



KOMUNIKADO PA PRENSA

Fecha

3 di sèptèmber 2018

Persona di kontakto

Felip Guanipa

Email

felip.guanipa@gobiernu.cw

Reflektor i dots na altura di subida di seru na Parera

Willemstad - Servisio pa Obra Públiko (OW) resientemente a tuma diferente medida entre e lusnan di tráfiko riba Schottegatweg Zuid for di Nightingaleweg te na Presidente Rómulo Betancourt Boulevard na Parera. Esaki ta parti di e tantísimo trabounan ku OW, riba petishon di Minister Jesus-Leito, a bin ta hasi pa alsa seguridat den tráfiko na Kòrsou.

OW a konstatá ku durante wikènt tin diferente aksidente na e sitio aki i ta topa vangrail dobla, bòrchinan di tráfiko i dal, ets. Pa e motibu aki, OW a asentuá e liñanan riba kaminda poniendo reflektor ('cat eye') i 'dots'.

'Dots' ta pa guia e outomobilista di dia i ta funshoná komo medio pa atvertí e outomobilista ora ku e krusa drenta otro via. E reflektornan ta pa guia e outomobilista anochi mirando ku e ta iluminá /aksentuá e liñanan marka riba kaminda. A pone reflektor na e rant robes, pero na rant drechi no a pone pa laga espasio pa siklistanan ku por hasi uso di e kaya aki. Tambe a pone bòrchinan iluminá ku ta indiká e outomobilista ku tin un bògt.

Den pasado a laga 'raspa' e kaya aki pa asina evitá ku vehíkulonnan ta slep di un via pa otro ora ku subi e seru ku velosidat haltu, òf ora ku áwaseru ta kai. OW ta konfia ku esaki ta yuda baha aksidentenan na e sitio aki.